

**SIK-p/Namminersorlutik Oqartussat isumaginninnermut
aningaasaateqarfiannut najoqqutassat
ullormi 1. oktobarimi 2023 atuutilersut**

Sunut tapiisoqarsinnaava?

Tapiiffigitinnissamut piumasaqaatit nalinginnaasut:

1. Isumaginninnermut aningaasaateqarfimmit tapiiffigitinniaanni piffissami pineqartumi aningaasaateqarfimmut qinnuteqaateqarnermi atorfeqartup sulisitsisua Isumaginninnermut Aningaasaateqarfimmut akilersuinissaa piumasaqaataavoq. Taamaattorli isumaginninnermut aningaasaateqarfimmit tapiiffigineqarnissaq periarfissaavoq, naak qinnuteqaateqartoq suliffeqarfimmi pineqartumi sulisuujunnaarsimagaluarpat, kiisalu suliffeqarfimmi allami sulisunngorsimangikkaluarluni tassani isumaginninnermut aningaasaateqarfimmut akilersuisoqarluni, imaappat qinnuteqaateqartup suliffimmit qimagunneranit sivisunarpaamik qaammatit tallimat ingerlasimallutik. Taamaattorli inuit pineqartut tassaapput suli suliffeqarnermut attuumassuteqartut sulisutut imaluunniit suliffeqanngitsutut, taakkua taamatut pisoqartillugu aningasaateqarfimmit ikiorneqarsinnaapput. Suliffeqarnermut attuumassuteqarunnaarsimagaanni, kisianni soraarninngorsimalluni, imaluunniit siusinaartumik pensionisiaqalersimalluni isumaginninnermut aningaasaateqarfimmit tapiissutinik pissarsisoqarsinnaanngilaq.
2. Isumaginninnermut Aningaasaateqarfik taamaallaat pisuni piviusuni tapiissuteqarsinnaavoq, imaappat sulisitsisoq kattuffiup isumaqatigiissutaa naapertorlugu tapiissuteqarnissamut pisussaaffeqanngippat, imaluunniit peqqinnissaqarfik taamatuttaaq tapiissuteqarnissamut pisussaaffeqanngippat.
3. Namminersorlutik Oqartussani, kommunini, Tusass-imi, INI A/S-mi, Nukissiorfinni, Air Greenlandimi, Mittarfeqarfinni aamma naalagaaffimmi – SIK-p isumaqatigiissutaat tunngavigalugit atorfeqartut – Isumaginninnermut Aningaasaateqarfimmit taperneqarsinnaapput, SIK-mut ilaasortaaneq imaluunniit ilaasortaanningineq apeqqutaatinnagu. SIK aamma suliffeqarfiit namminersortut arlallit atsioqatigiillutik isumaqatigiissummik atortussanngortitsipput, taamaalillutik suliffeqarfinni taakkunani sulisut Isumaginninnermut Aningaasaateqarfimmit ikiorneqarsinnaallutik, taamaattorli atsioqatigiilluni isumaqatigiissummik atortussanngortitsinerni taakkunani arlalinni taamaallaat SIK-mut ilaasortaagaanni. Sulisut sorliit Isumaginninnermut Aningaasaateqarfimmit tapiiffigineqarnissamut SIK-mut ilaasortaanissaat

piumasaqaataanersoq pillugu allattorsimaffik SIK-mit ingerlaavartumik nutarterneqartarpoq.

4. SIK-mit qinnuteqaateqarnissamut immersugassaq suliarineqarpoq, taanna Isumaginninnermut Aningaasaateqarfimmut qinnuteqaateqarnermi atorineqartussaavoq. Immersugassami tassani aammattaaq takuneqarsinnaavoq uppersaaitit suut qinnuteqaateqarnermut ilanngunneqassanersut. Uppersaaitit pisariaqartinneqartut qinnuteqaammut ilanngunneqarsimanngippata, taava SIK-p Allattoqarfianit qinnuteqaateqartoq attaveqarfigineqassaaq aamma qinnuigineqarluni uppersaaitit taakkua allattoqarfimmut nassiuteqqullugit. Taamaaliortoqanngippat qinnuteqaat ingerlaqqissinnaangilaq.
5. Isumaginninnermut Aningaasaateqarfimmut qinnuteqaateqarnermi nakorsamit uppersaaitip ilanngunneqarnissaa piumasaqaataajunnaarpoq, kisianni uppersaaitit attuumassuteqartut ilanngunneqassapput, tamatumani nappaammut peruluutaasumut tunngasut pineqarlutik (uppersaaitit suut pineqarnerisut ilitsersuummi qinnuteqaammut immersugassamut attuumassuteqartumi qinnuteqaateqartup atugassaani allaaserineqarput, aammattaaq taakkua SIK-p nittartagaani takuneqarsinnaapput).

Taamaattorli SIK-p Allattoqarfiata qinnuteqaatinik tiguneqartunik suliarinnittartuusooq qinnuteqaatinik ataasiakkaanik nalilersuineq tunngavigalugu qinnuteqaateqartumut piumasaqaatigisinnaavaa nakorsamit uppersaammik pissarsisoqarnissaa, taanna pisumi piviusumi nappaammut peruluutaasumut uppersaaitit atorineqassaaq. Imatut pisoqartillugu suliani ataasiakkaani qinnuteqaateqartoq nakorsamit uppersaammik pissarsinissaanik qinnuigineqarluni, taava Isumaginninnermut Aningaasaateqarfiup nakorsamit uppersaammik pissarsinnermut aningaasartuut akilissavaa.

Nakorsamit uppersaait qinnuteqaaitip nalilersorneqarnissaanut ilanngunneqarnissaa piffissaagallartillugu qinnuteqaateqartumut pissarsiarineqarnissaa ajornarpat, taava SIK-p Allattoqarfiata nalilersuineq ingerlatissavaa tunngavissaasut pissarsiarineqarsimasut tunngavigalugit, imaluunniit allatut iliuuseqarluni uppersaammik pissarsiniarluni nappaaitip peruluutaanera paasiniarlugu.

Napparsimanermut atatillugu tapiiffigineqarneq:

1. Isumaginninnermut Aningaasaateqarfimmit tapiiffigineqassagaanni tamatumani pineqassaaq nappaat peruluutaasooq. Qinnuteqaatinik nalilersuinnermi aallaavigineqassaaq Namminersorlutik Oqartussat ilaquuttat qanigisat peruluutaasumik napparsimanerat aamma /imaluunniit toqunerat ilisaanerlu pillugit ikiorneqarnissamut ilitsersuutaat ilanngussaq 2, kisianni ilanngussaq 2-mi taaneqartunit nappaait amerlanerusut tapiiffigineqarnissamut piginnaatitsisinnaapput, pisuni ataasiakkaani naliliisoqarpat napparsimaneq peruluutaasooq

pineqartooq. Taamaattorli nappaassuarmik kræftimik nappaateqarneq nakorsamit paasineqarpat, taqqamik milittoorneq aamma qaratsami aanaartoorneq Isumaginninnermut Aningaasaateqarfimmit tamatigut ikiorserneqarnissamut piginnaatitsipput.

Tartulunneq nappaatitut peruluutaasutut isigineqarsinnaavoq. Tamatumunnga atatillugu pingaaruteqarpoq napparsimasut tartulunnerminnik katsorsartinnerat sapinngisamik pitsaanerpaajunissaa.

2. Isumaginninnermut Aningaasaateqarfik peruluutaasumik nappaateqarnermut atatillugu tapiissuteqarsinnaavoq makkununnga atatillugu:
 - a) Sulisoq napparsimalersimavoq kiisalu kissaatigalugu nammineq qanigisaminit Kalaallit Nunaanni, Danmarkimi imaluunniit nunami allami napparsimavimmut unitsinneqarnerminut atatillugu ingiallorneqarnissani.
 - b) Sulisoq nappaatigisaminik peqquteqartumik piartorpoq, aamma kissaatigalugu piffissani kingulleq angerlarsimaffimminiinnissani, kiisalu tamatumunnga atatillugu pineqartup kissaatigaa nammineq qanigisaminit angerlarsimaffimmini najorneqarnissani.
 - c) Qanigisaq napparsimalersimavoq, aamma sulisup kissaatigaa qanigisani Kalaallit Nunaanni, Danmarkimi imaluunniit nunami allami napparsimavimmut unitsinneqarneranut atatillugu ingiallortaanissani.
 - d) Qanigisaq nappaatigisaminik pissuteqartumik piartorpoq, kiisalu sulisup kissaatigaa qanigisami angerlarsimaffiani najornissaa.
3. Qanigisaq imatut paasineqassaaq katissimallugu aapparisaq, inooqatigisaq (sivikinnerpaamik ukiumi ataatsimi najugaqarfimmi ataatsimi inooqatigisimasaq) qitornat, meeravissiatut qitornat aamma qitornarsiat, qatanngutit aammattaaq angajoqqaaviit imaluunniit sulisumit qitornavissiaqartutut angajoqqaat. Qaqutiguinnaq aammattaaq aanaa/aataakkut imaluunniit "angutissat/arnassat" qanigisatut isigineqarsinnaapput, ilanngullugit sulisoq meeraanermini aamma/imaluunniit inuusuttuunermini aanaa/aataakkuni imaluunniit angutissamini/arnassamini najugaqarsimappat.
4. Peruluutaasumik napparsimanermit atatillugu tapiissutunik pissarsinissamut periarfissat tassaapput:
 - a) Angalanermit aningaasartuutit timmisartukkut aamma umiarsuakkut billett.
 - b) Københavniitilluni angalanermit korti (Rejsekort).
 - c) Hotelimi najugaqarneq. Isumaginninnermut Aningaasaateqarfiup taamatut najugaqarneq sivisunerpaamik qaammatini pingasuni akilersinnaavaa, taamaattorli qaammatit arfinillit angullugit nappaassuaq kræfti pineqartillugu.
 - d) Sulinermit akissarsiassat annaasaqaataasut. Sivisunerpaamik qaammatini pingasuni pisartagarineqarsinnaapput, taamaattorli qaammatit arfinillit angullugit nappaassuaq kræfti pineqartillugu. Sulinermit akissarsiassat annaasaqaataasut aningaasartaat annerpaamik tassaasinnaavoq SIK-p isumaqatigiissutaa naapertorlugu ullormut akissarsiat.

5. Taamaallaat inummut ingjallortaasumut ataasiinnarmut ataasiakkaartumik tapiissuteqartoqarsinnaavoq. Qanigisat arlallit, soorlu assersuutigalugu qatanngutit arlallit, taamaallit ataatikkut angalanermi ingjallortaasutut tapiissuteqarfigineqarnissamut neriorsorneqarsinnaangillat.
6. Ingjallortaalluni angalanermut atatillugu periarfissaavoq qitornap ataatsip imaluunniit arlallit 18-it inorlugit ukioqartut tapiiffigineqarnissaat, tassani taamaattoqanngippat qitornaq/qitornat angerlarsimaffimmi kisimiittussanngussallutik.

Illoqarfimmi/nunaqarfimmi angerlarsimaffigisamiunngitsoq erninermut atatillugu ataataasut peqataanerannut tapissutit:

1. Anaanangortussaq aamma ataatanngortussaq tapiiffigineqarnissamut qinnuteqaateqarsinnaapput illoqarfimmi/nunaqarfimmi angerlarsimaffigisamiunngitsoq erninissamut atatillugu ataataasup ingjallortaanissaanut. Anaanaasup akuersissutigisimassavaa erninermut atatillugu ataataasup ingjallortaasuunissaa.
2. Pisinnaatitaaffiup assinga atuuppoq imaappat aappariit tassaallutik arnat marluk, arnap aappaa illoqarfimmi/nunaqarfimmi angerlarsimaffigisamiunngitsoq ernisussaappat, imaluunniit imatut pisoqartillugu arnaq isumaqatigiissuteqarsimaneq tunngavigalugu aappariinnut assigiimmik suaassusilinnut imaluunniit assigiinngitsumik suaassusilinnut meerartaassappat. Taamatut pisoqartillugu sulisoq ataaseq kisimi taamatut ingjallortaalluni angalalluni peqataasinnaavoq.
3. Erninermut atatillugu tapiiffigineqarnissamut qinnuteqaateqarnissamut periarfissat tassaapput:
 - a) Angalanermut aningaasartuutit, timmisartukkut aamma umiarsuakkut billett.
4. Ingjallortaalluni angalanermut atatillugu periarfissaavoq qitornap ataatsip imaluunniit arlallit 18-it inorlugit ukioqartut tapiiffigineqarnissaat, tassani taamaattoqanngippat qitornaq/qitornat angerlarsimaffimmi kisimiittussanngussallutik.

Toqusup illerfianik imaluunniit toqusimasup ikuallatap arsaanik qummuattaasamiittunik angerlaassilluni assartuineranut tapiissutit:

1. Qanigisap illerfianik imaluunniit toqusimasup ikuallatap arsaanik qummuattaasamiittunik angerlaassilluni assartuineranut Isumaginninnermut Aningaasaateqarfiimmit tapiiffigineqarnissamut periarfissat makkuupput:
 - a) Danmarkimit Kalaallit Nunaannut illerfimmik imaluunniit toqusimasup ikuallatap arsaanik qummuattaasamiittunik assartuineranut imaappat, toqusimasoq Kalaallit

Nunaanni najugaqartutut nalunaarneqarsimalluni, kiisalu taamatut assartuineq kalaallit oqartussaasuinit akilerneqartussaanani.

- b) Kalaallit Nunaanni namminermit illoqarfimmut imaluunniit nunaqarfimmut illerfimmik imaluunniit toqusimasup ikuallatap arsaanik qummuattaasamiittunik assartuinnermut imaappat, toqusimasoq illoqarfimmi imaluunniit nunaqarfimmi najugaqartutut nalunaarneqarsimalluni, kiisalu taamatut assartuineq kalaallit oqartussaasuinit akilerneqartussaanani.

Isaruartaarnermut imaluunniit isarussanik taarsiinnermut tapiissutit:

1. Isaruartaarnermut imaluunniit isarussanik taarsiinnermut atatillugu Isumaginninnermut Aningaasaateqarfimmit tapiiffigineqarnissamut periarfissaavoq tulliuuttunik pisoqartillugu:
 - a) Sulisup siullerpaamik Isumaginninnermut Aningaasaateqarfimmut qinnuteqaateqarnerani.
 - b) Sulisup nutaanik isarussanik pisineranut atatillugu imaappat isarussat sakkortussusiat minnerpaamik 0,5 %-imik allanngorlutik.
 - c) Sulisut qitornaminut 18-it inorlugit ukioqartumut isarussanik nutaanik pisippat, taamaattorli qinnuteqaateqartup qitornaanut isaruartaarnermut tapiissuteqartoqarsinnaavoq ukiut marlukkaarlugit.
2. Isumaginninnermut Aningaasaateqarfimmit isaruartaarnermut imaluunniit isarussanik taarsiinnermut tapiissutit annerpaamik 4.000 kr.-init amerlassuseqarsinnaapput. Tassani pineqarsinnaapput isarussat "nalinginnaasut", taamatullu isarussat sakkortussusii isarussat sinaannut ammukaartumik malunnangitsumik nikittut.
3. Isarussanut qarasaasiap skærmianik isiginninnermut iluaqutissiisunut pisaarnermut imaluunniit taarsiinnermut tapiissuteqartoqarsinnaangilaq.